

quibus con-
fessis (sunt) Magi-
stro Generali
Ordinis Prae-
dicatorum, &
aliquibus supe-
rioribus supra
ma auctoritas
in prefato Ordi-
ne.

ejusque Generali Magistro, Provincialibus, ceterisque aliis substitutis Superioribus, praeminentia, auctoritas, & Superioritas super praefati Instituti Fratibus, & Sororibus praedictis quibuscumque, approbamus, confirmamus, ac perpetuae firmitatis robur obtinere volumus, decernimus, atque mandamus, & quatenus opus sit, easdem praeminentiam, auctoritatem, & Superioritatem de novo concedimus. Attendentes praeterea per Praedecessores Nostros Innocentium VII. & Eugenium IV. fuisse approbatam Regulam praedictam, ejusque Caput xx., atque animadvertentes, primos Alumnos praefati Ordinis habitum, ac vivendi normam ab ipso B. Dominico suscepisse, ejusque praecipua executioni mandasse, eidem Generali Magistro privative quoad alios quoscumque confirmamus, ac si opus est, de novo concedimus, ut possit per se, vel per sibi subiectos Fratres quoscumque facultate opportuna, ac necessaria instruitos, Personas ad dictum Ordinem, juxta ipsius Statuta recipere, habitu donare, atque elapso debito probationis tempore ad professionem recipere, itaut Personae quaecumque aliter receptae, nec sint, nec intelligantur ullo modo praefati hujus Tertii Ordinis, neque ullis ejusdem Privilegiis, ac Indultis potiantur, nisi pro peculiaribus Personis, & casibus per Nos, & Successores Nostros fuerit expresse desuper dispensatum. Commissarium quoque, aut Visitatorem instituire; Magistrum quoque, Directorem, ac Confessarium aetate, moribus, pietate, scientia, & prudentia gravem concedere, & deputare qui ipsis Ecclesiastica Sacramenta ministret, de praecipuis Regulae instruat, Congregationes, aut Congressus convocet, & in ipsis, sicut in aliis quibuscumque Actibus, & Functionibus praesideat: Necnon, Locorum Ordinarios, & alios quibuscumque cujusvis status, gradus, & conditionis existant, & quaecumque fungantur auctoritate semper exclusis, Congregationes illas, ac Personas Tertii Ordinis, sive Virorum collegialiter, aut in Claustris, sive Mulierum cum expresso Voto, ut supra, vel cum tribus Votis viventium, Domos, Conservatoria, Hospitalia, Monasteria, sive Collegia quaecumque, ac quocumque nomine appellata, Capellas quoque, Oratoria, & Ecclesias pleno Jure visitare, instruere, paterne corrigere, ac reformare, tam in capite, quam in membris ad causationem usque Mantelli, & Habitum, atque ad effectivam & Collegio, restituta collata dote, prout de jure, immo etiam ad ipsius Collegii suppressionem, vel saltem ab Ordine abdicationem, pro rerum conditione, & statu procedere: aliaque ad bonum Ordinis praefati regimen, juxta ejusdem Statuta, ordinare, & exequi, quemadmodum sibi in Domino expediens fore videbitur, & quoties sibi libuerit libros, & rationes reddituum, ac bonorum, sive Congregationum, sive Collegiorum quorumcumque, non secus ac Monasteriorum, ac singulorum, sibi pleno Jure subjectorum, atque ab Exactoribus, Agentibus, & Administratoribus quibuscumque rationem reddituum per eos administratorum recognoscere, examinare, ac exigere possit, & valeat, Motu, scientia, & potestate praedictis dantes plenam facultatem Superioribus Ordinis, praedictos Exactores, Agentes, & quovis Administratores iusta de causa removendi, ac mutandi, ac etiam

eorum loco Religiosum quempiam idoneum substituenti.

§.35. Ut autem praedicta omnia cum spirituali, ac temporali etiam praedicti Ordinis incremento ad normam praedictae Regulae exactius observentur ab omnibus, ad quos spectat, & pro tempore spectabit, districte praecipimus omnibus, & singulis Ordinis Professoribus per totum Orbem existentibus, ac exituris cujuscumque gradus, ac conditionis existant, & praecipue quibuscumque gradibus, & quocumque nomine nuncupatis; collegialiter, aut in Claustris habitantibus, necnon in privatis Domibus, juxta praedicta, cum Voto viventibus, ut quemadmodum eorum Ordo cum Primo Ordine Fratrum Praedicatorum, & secundo Monialium, eundem habet Patrem, & Patriarcham in caelis feliciter regnantem, adeo ut ab Innoc. VII. in Bulla supra dicta omnes appelletur *Fratres, & Sorores Ordinis Praedicatorum, qui nuncupantur Fratres, & Sorores de Penitentia S. Dominici*; ita cum utroque illo Ordine unum, eundemque in Terris Successorem B. Dominici, ac totius Ordinis Praedicatorum Magistrum Generalem, deinde Provinciales, ut alios inferiores, ab eodem Magistro Generali de more delegandos tanquam eorum veros, & legitimos Superiores suscipiant, venerentur, ac agnoscant. Ad eos dubia quaecumque circa Regulam, & Statuta referant, eorumque iudicio circa eadem dubia sese conforment; maxime quum Regula ad culpam ex se non obliget, sed tantum ad poenam, ejusque rationalis relaxatio sit in manu discreti Superioris constituta: iisdemque privative quoad alios in omnibus concernentibus eorum Ordinem, nec Regulae Institutum ac praecipuis praefatis aperte contrariis, pareant, & obediant; quod si secus fecerint, ab iisdem cassari, Habitu spoliari, atque etiam ex Collegii modo praedicto, donec resipiscant, vel absolute quoque dimitti possint; quemadmodum alias Regulas ipso cap. 19. pro quibusdam casibus disponit: Insuper, & Collegia ipsa supprimi, ac dissolvi, sin minus dimitti, ac relinqui ab eisdem possint, & valeant, & respective nullis Tertiariorum gratiis, & privilegiis gaudere, decernimus, ac jubemus.

§.36. Ordinis Magistro pro tempore, sicut & Ordini ipsi in Generalibus Comitibus quandoque congregando, quemadmodum injungimus, ut circa felicem statum, ac reformationem, ubi opus esse conspexerint, praedicti Tertii Ordinis, advigilent, ita iisdem relinquimus, confirmamus, & quatenus oporteat, de novo benigne concedimus Jus, & plenam potestatem ad illa circa Regulam praedictam moderanda, reformanda, exponenda, commutanda, ac addenda, quae pro temporum, locorum, ac personarum opportunitate in Domino judicabunt sic melius disponenda (salva tamen ejusdem Regulae substantia, & intactis Sacris Canonibus (nunc pro tunc Apostolica auctoritate ejuscemodi moderationes, reformationes, expositiones, ac additiones approbantes, atque confirmantes.

§.37. Deinde quum nonnulla sint Capitula, super quibus potissime Tertiarias Personas, sive in Domibus praedictis seorsim, sive etiam in Asceteriis collegialiter Virginales, aut coelibem, aut castam Viduilem expresso Voto, &

Prescribitur
ejusdem Or-
dinis profes-
soribus, ut
agnoscant in
Superiores
praed. Magi-
strum Gener-
alemque.

Injungitur
praefato Magi-
stro Generali
ut ejusdem
Tertii Ordinis
Reformationi
advigilet.

Statuuntur
nonnulla pro
d. Reforma-
tione.

A quorum
Jurisdictione
Tertiariae per-
sonae exemptae
sunt.

De aetate ad
Ordinem re-
cipiendam.

De habitu
multisimilitate.

sub Habitu; & Regula praedictis vitam tradentes, necnon Fratres Ordinis Praedicatorum ipsas vexari, ad Nos delatum est, ideo expresse declaramus, & volumus. Quod tamen omnes, & singula praedictae personae summam debeant habere reverentiam Locorum Ordinarii, ceterisque Praelatis inferioribus, quemadmodum earum quoque Regula praescribit: Atque juxta Decretum Congregationis Venerabilium Fratrum nostrorum S.R.E. Cardinalium Episcoporum, & Regularium consultationibus praeposita editum sub die 20. Decembris 1616., ut ad Habitum, & Ordinem recipiantur Virgines, aut Viduae in privatis Domibus perpetuo mansurae prius debeant in Curia Ordinarii Loci probare, eas sibi posse de victu, & vestitu sufficienter providere; illasque fore bonis moribus praeditas, atque cum nullis aliis viris, quam cum Consanguineis, aut Affinibus in primo tantum gradu, vel illis deficientibus, aut urgente gravi aliqua causa, cum aliis sibi in proximiori gradu conjunctis, aut saltem cum viris perspectae probitatis, vitam tradenturas, eas tamen juxta praemissa Tertiarias effectas a cujuscumque alterius inferioris extra Ordinem Praedicatorum constituti Praelati, & ipsius Ordinarii loci Jurisdictione exemptas esse volumus, & fore declaramus, districteque mandamus, eisque de novo talem exemptionem concedimus. Quantum ad aetatem mulierum ad Ordinem praedictum recipiendam hac nostra Constitutione perpetuo valitura injungimus, & mandamus, quod nisi in particularibus Asceteriis probata consuetudo vigeat in contrarium, mulieres ad profectum inter collegialiter perpetuo viventes, non admittantur, nisi tempore Professionis exceperint annum 18. Quo vero ad eas, quae in Domibus, ut supra, seorsim cum certis castitatis Voto, Habitu, & Statutis, sunt vitam traditurae; quum secundum S. Scripturas bonum sit portanti jugum ab adolescentia sua, & Ordo praedictus ex Regula sua vigiliis, jejunia, pluresque abstinentias habeat jugiter perferendas; Virginum quoque Sponsa placeat sibi cito promissa Virginitas: Plurimaeque insignes Virgines praedicti Ordinis de penitentia non solum a teneris annis inviolabili Voto Virginitatem eidem Caestri Sponso consecraverint, Habitu quoque induerint, sed florenti adhuc aetate, simulque ante annum quadragesimum virtutibus matura in Caelum evolaverint, quarum agmen ducere potest caestris Virgo S. Catharina Senensis, de Apostolica Sede adeo benemerita. Motu hinc, scientia, & potestate praedictis indulgemus, & concedimus, ut eadem, quibuscumque non obstantibus in contrarium, post decimum octavum annum, vel etiam in minori aetate juxta consuetudinem locorum libere, & licite recipi, evolutoque probationis tempore profiteri possint, ac valeant: Revalidantes quascumque acceptationes, & Professiones, si quae forte ex defectu aetatis haecenus factae dici possent invalide. Habitu uniformitatem, quoad fieri poterit, esse servandam; retineri tamen posse Habitum formam, quae pro regionum diversitate haecenus ab eisdem Tertiariis servata est. Licere quoque Mulieribus, quae emissio Voto seorsim, vel collegialiter Deo vivunt, deserere velum supra caput, quod *Subprojectum* vocant, carbasum pectorale, quod

nuncupant *Sattogola*, & Scapolare, seu *Patientiam*.

§.38. Tertiariis praedictis emissio solo Castitatis Voto collegialiter viventibus haud prohibemus, immo exoptamus in Domino suaderi trium Votorum etiam solemniem emissionem, ipsamque Claustram, juxta propositum Constitutum. S. Pii V. incipien. *Circa Paschalis*; inhaerentes tamen Literis Apostolicis superius memoratis Julii II., in quibus Tertiariis S. Dominici collegialiter viventibus permittitur emittere tria Vota, declaraturque per haec ipsa -- *ad Claustram minime teneri, aut ad Officium Divinum magis, quam ex Regula Tertii Habitum*, ac aetate Clementis IX. *Alias propositis* = 10. Decembris 1667., in quibus Tertiariae collegialiter viventes, ad claustram nullatenus compelluntur; Attendentes insuper per annos, ut accepimus, centum, & sexaginta ab edita dicta Constitutione Sancti Pii V., & per seculum, & ultra post Decretum Congregationis Episcoporum, & Regularium emanatum 20. Decembris 1616., ejuscemodi Tertiarias collegialiter viventes pluribus in locis, scientibus, ac taceantibus Ordinariis, floruisse, ac etiamnum florere sine claustrum, declaramus, volumus, & mandamus, easdem ad neutram absolute teneri, aut esse compellendas; non obstantibus contrariis ordinationibus, etiam Apostolicis quibus expresse per praesentes derogamus. Licet circa Sacramentorum susceptionem, & sepulturam praedictae Tertiariae, certis Habitu, Regula, & Statutis, & sub expresso perpetuae Virginalis, aut Viduilem Castitatis Voto sive collegialiter, sive in privatis Domibus, viventes, ex recitatis, aliisque Apostolicis Constitutionibus earum Ordini per S. Sedem directe concessis, vel communicatis, debeant gaudere privilegiis omnibus Ordinis Praedicatorum, ceterorumque Ordinum, earum sexui non repugnantibus, & pleno jure subesse Fratrum, & in primis Magistro Generali ejusdem Ordinis: hisque liceat auctoritate Apostolica Tertiariis illis quando petierint, etiam in die Paschae, sive Festi Resurrectionis D.N. J. Christi, & infra ejus Festi octavam, quam etiam aliis diebus, etiam in mortis articulo, Eucharistia, & alia Sacramenta Ecclesiastica quaecumque exhibere, & ministrare etiam in Domibus propriis: Necnon illarum Cadavera ad eorumdem Fratrum Ecclesias tamulanda deferre, etiam Parochialium Ecclesiarum Personarum eorumdem Rectorum licentia desuper minime requisita, & contradictione qualibet non obstante. Ne tamen desuper Tertiarias, & respective Fratres Ordinis Praedicatorum indebitum molestari contingat, expresse declaramus, & volumus, Tertiarias praedictas de Penitentia S. Dominici sive collegialiter, sive separatim in Domibus, ut praedictum est, viventes cum expresso Voto, a solis Fratibus praedicti Ordinis Praedicatorum, contradictione qualibet, & quacumque consuetudine etiam immemorabili in contrarium non obstantibus, etiam in die Sanctae Paschae, & in casu habitualis infirmitatis, etiam pro effectu satisfaciendi praepcepto de Communionem Paschali, & in casu mortalis infirmitatis, sive in mortis articulo, Sacram Eucharistiam, Extremam insuper Unctionem absolute recipere posse, & debere; Earumdemque post mortem Cadavera (nisi forsitan collegialiter viventes habeant, aut sit aliquando legitime

Suadentur
praed. Tertiaris
emissio
Virginitatis, & clau-
strum ad am-
minime eas
comprobatum
se declaratum

A quibus de-
beant Sacra-
menti susci-
piere; & mor-
tuae Sepulta-
rae.

habitorum in earum Ecclesia, Oratorio, aut Collegio sepulchrum proprium, quo casu per solos Fratres Ordinis sint ibidem sepelienda) ad Fratrum Ecclesiam tumulanda deferri posse, ac debere, & quidem absque interventu, licentia, & requisitione Parochi, nullaque eidem soluta quarta; Et sicuti volumus, quod tam Fratres, quam Tertiarii extra Conventus, & respective Collegia, & Domos obeuntes, debeant Sacramentari, & respective tumulari per Fratres, & in Ecclesiis illorum, ita disponimus, & mandamus quoad Tertiarias predictas. Præterea declaramus, & volumus, quod Fratres ad ministranda Sacramenta dd. Tertiariis utriusque sexus possint, & debeant, ingrediendo limites cuiuscumque Parochie cum Cruce erecta, & processionaliter condigne afferre Venerabile Eucharistie Sacramentum, tam in casu gravis, & mortalis infirmitatis per modum Viatici, quam in casu talis infirmitatis, que impediatur accessum ad Ecclesiam dictorum Fratrum, pro satisfactione præcepti Paschalis; ac etiam titulo devotionis circa sanctas majores Ecclesie solemnitates, & similiter Defunctorum Cadavera ad propriam Ecclesiam asportare, etiam invito, & reluctante Parocho, cui tantum licitum sit ministrare Sacramentum in casu repentine infirmitatis, que spatium non permittat vocandi Fratres predictos.

Innovantur Condit. omnes emanate circa Ambrosianos Ordinis Fratres.

Ac super corrigendis excessibus.

Necnon circa appellationes

§.39. Ut porro quantum in Domino possumus consulamus indemnitati obedientie, Superioribus predictis ab eorum respective Religiosis debite, & ut simpliciori via nitantur omnes in semel Deo promissam Regularem observantiam, motu, scientia, & potestate sepeditis in primis quoad omnia, & singula in eis contenta confirmamus, & innovamus, Constitutiones emanatas adversus Fratres Ordinis ferentes pro extorquendis favoribus ad personas extraneas, nimirum Gregorii XIII. incipientes. = Quam nihil magis = 5. Junii 1580. Clemens VIII. = Religiosis Viris = 23. Maji 1592., & Pauli V. Admonemur 7. Jan. 1608. Deindeque pro tuenda Regulari Disciplina confirmamus, & innovamus Constitut. IV. Bonifacii VIII. = Ad augmentum 6. Id. Maji 1296., in corrigendis etenim, & puniendis excessibus Subditorum volumus, peragendum, postpositis rimulis, & apicibus Juris secundum consuetudines, & Statuta Ordinis etiam faciendâ. Ad tollendas vero appellationes quascumque indebitas, ac totam ferme economiam Regularis observantie enervantes, ac evertentes, nisi retineatur, & servetur ordinata Appellatio a Superiore Locali ad Provincialem, ab eoque ad Generalem, exindeque si fieri possit, ad Capitulum Generale, ac denique ad Sedem Apostolicam, juxta Decreta de mandato Sixti V. edita in Congregatione Episcoporum, & Regularium anno 1587., confirmamus, & innovamus similiter quæcumque hætenus circa appellationes emanarunt ab Apostolica Sede, & præcipue Constitutiones pro eodem Ordine Bonifacii VIII. in præcatis Literis incipientes. = Ad augmentum = Bonifacii IX. = Sacra Religiosis = 5. Kalen. Maji 1402., Julii II. = Exposuisti Nobis 24. Novembris 1511., ac Leonis X. = Romani Pontificis = 29. Aprilis 1518., & quidem quoad omnia, & singula in eis contenta, etiam quoad Censuras latæ Sententiæ, & poenas, etiam contra quoscumque Judices Ecclesiasticos, & Secu-

lares de hujuscemodi appellationibus cognoscere volentes, contra ordinem contentum, & rationem præscriptam in prædictis Literis Apostolicis.

§.40. Immo quum etiam Nobis certo constet, Superiorum præfatorum auctoritatem eludi, & contemni, si circa concernentia statum ipsum Regularem, que totaliter remissa sunt, & esse debent ipsorum religioni, & judicio, cuiusmodi sunt Fratrum Assignmentes, Remotiones, Dispensationes, Lectionum, & aliorum munerum collationes, ac cætera quæcumque per Constitutiones Apostolicas, & dicti Ordinis relicta arbitrio, & prudentiæ eorumdem Prælatorum, pateat recursus ad Apostolicos Nuncios Nostros, Vice legatos, ac cæteros Sedis prædictæ, ac Nostræ Ministros, istis omnibus, & singulis auctoritate Apostolica mandamus, & præcipimus, ne in iisdem sese ullatenus in posterum intromittant, atque in illis ipsis, que per viam appellationis ex Apostolico aliquo speciali Indulto eosdem posse recognoscere alias certo constaret non aliter id facere posse, ac debere declaramus, & volumus, quam præmissa per Fratres illos graduati appellatione præfentes has nostras Literas perpetuo constituta; Vehementer in Domino hortantes, atque excitantes quascumque Venerabilium Fratrum nostrorum Sanctæ Romanæ Ecclesiæ Cardinalium Congregationes, ut severius desuper animadvertant contra Fratres quoslibet nostri hujuscemodi Ordinis ad retinendam Regularem observantiam in hoc ipso deficientes.

§.41. Attendentes deinde que sanxerunt Prædecessores nostri Gregorius IX., & Innocentius IV. in eorum Constitutionibus ambabus incipientibus. = Quia confuso habitus = 8. Kalendas Novembris 1239., 8. Kal. Aprilis 1244., & Gregorius XI. = Virtute conspicuus = 2. Non. Martii 1374. Clemens VIII. in Constit. CIV. = Ex injuncto Nobis 2. Octobris 1603., ac novissime Alexander VII. in Constitutione = Ex injuncto nobis 8. Februarii 1666., illa omnia auctoritate, motu, & scientia prædictis confirmantes, ac innovantes, similiter districte mandamus Fratribus Trinitariis, & aliis quibuscumque, ne ullas eorum audeat posthac Habitum Fratrum Ordinis Prædicatorum, vel ipsi adeo similem deferre, ut Frater ejusdem Ordinis Prædicatorum credi facile possit, exceptis tamen Eremitanis S. P. Augustini, quibus in certis circumstantiis alias a Sede Apostolica Habitus albus ejusdem Ordinis permissus est; ab his tamen Habitum illum non aliter deferri volumus, decernimus, & mandamus, quam secundum prædictam Clemens VIII. Constitutionem, hac nostra inviolabili lege, propter motiva jamdudum relata per Alexandrum IV. in ejus Constitutione. = Minimus Nos Idibus Octobris 1259., districtissimeque ipsis Eremitanis prohibemus, ne extra Claustra propria audeant ullatenus cum solo Habitu albo prædicto procedere, amplissime derogantes cuicumque consuetudini etiam immemorabili in contrarium, & dantes plenam facultatem Locorum Ordinariis, ipsisque injungentes, quatenus auctoritate dictæ Sedis, ad instantiam præcipue Fratrum Prædicatorum, contra eos, quos defecisse compererint, procedere possint, ac debeant. Concedimus tamen Fratribus ipsis Prædicatoribus, ut in itinere, vel divertentes ad

Similiter confirmantur Condit. super Ordinis habitum.

Inhibitiones quedam hæc super te.

Ac novæ concessiones.

moenia Urbium, ad Campos, & similia Loca, ad quæ ex vi antiquarum quoque eorum Constitutionum, secundum quas Nos quoque vivere professi sumus, nullatenus cum Cappa nigra, fesse conferre tenentur, cum solo Habitu albo, quem nemo ignorat esse eorum distinctivum, non obstante quoad id præcisa Constitutione Clem. VIII., accedere, ac procedere libere, & licite possint, & valeant.

Confirmantur pariter Apost. Constitutiones super præcedentia cæteris Regularibus Ordinibus.

§.42. Considerantes quoque antiquitatem, non minus, quam excellæ merita hujus Ordinis, quibus perspectis Leo X. in Constit. = Accepimus nuper = 3. Julii 1518., & S. Pius V. in Constit. LXXI. Divina disponente = 27. Augusti 1768., & Clemens VIII. in Constitutione XIII. = Inter cætera 25. Septembris 1592. Fratrum Ordinis jure merito adjudicaverunt præcedentiam supra cæteros Mendicantium, aliorumque Ordines, itaut primi, & immediati post antiquos Ordines Monachales locum in omnibus primum, honorabiliorem, & digniorem obtinere debeant, prout pacifice in Conciliis generalibus, ac etiam Lateranensibus inconcuse obtinere: prædictas Constitutiones omnes motu, scientia, & potestate suprædictis confirmantes, & innovantes, & quatenus opus sit omnia in eis contenta de novo mandantes, & concedentes, declaramus, atque decernimus, earumdem Constitutionum tenorem perpetuo ubilibet, & in quacumque Mundi parte omnino servandum esse, eisdem Fratribus Ordinis Prædicatorum a die publicationis præsentium priorum, digniori, & honorabili loco post Ordines Monachales prædictos in omnibus, & singulis Processionibus, Actibus, & Functionibus, assignato, & constituto: plenissime derogantes quibuscumque conventionibus, consuetudinibus etiam immemorabilibus, Literis, Sententiis, ac Decretis ab Apostolica Sede editis, vel specificè etiam confirmatis in contrarium quomodo locumque facientibus.

Necnon Exemtionem in eisdem concessis.

§.43. Ut deinceps Fratres hujus Ordinis congrue sustentari valeant, nec tractu temporis Conventus propter inopiam necessariam Fratrum numero carere cogantur, Exemtionem omnes a quibuscumque Decimis, Datis, Collectis, Gabellis, impositionibus, vestigialibus, oneribus hospitandi milites, aliisque cunctis quocumque nomine nuncupatis, & ex quacumque gravi, & gravissima causa impositis, prædicto Ordini concessas per S. Pium V. in Constitutione = Dum ad uberes 29. Julii 1566. = Etsi Mendicantium Ordines = 17. Kalen. Julii 1567. = Ad hoc Nos Deus = 23. Septembris 1571. = Romanus Pontifex 3. Octobris 1567., & Injunctum Nobis prid. Non. Augusti 1569. Et per Nos etiam in Literis incipientes = Sollicitudo editis 4. Idus Decembris 1725., amplissime confirmamus, & innovamus; ac præterea volumus, & mandamus, quod tam pro præteritis, quam pro futuris impositionibus ex urgentissima doctaxat causa Belli contra Turcas, teneri possint, aut debeant Fratres, Conventus, eorumque bona, facta tamen prius deductione congrua pro unoquoque Religioso ad rationem scilicet septem ducatorum auri de Camera, & non nisi de residuo fructuum bonorum demptis, & exceptis prædictis congruis, volumus taxari posse in prædicto extremo casu. Non tamen per id intelligimus derogare Indultis nostrorum Prædecessorum pro particularibus Conventibus, si quæ sunt, decernentibus, esse præservandam

a qualibet impositione ampliorem, seu pinguiorem congruam, quinimmo ea confirmamus, ac innovamus. Porro ne ex quo per nostram Constitutionem incipientem = Credita, & decreta novissimi Concilii Romani, in quibus cautum legitur a Taxa Seminarii, exemptos esse debere Regulares pro iis tantum Beneficiis, & fructibus, quorum ratione ipsi Apostolica Sede ex causa vere, & proprie onerosa indulsti, ut ab onere Taxæ exempti sint, ullo unquam tempore in discrimen revocari queat amplissima exemptio ab hujusmodi taxa, quar. prædicto Ordini impartitus fuit S. Pius V. in sua Constitutione = Romanus Pontifex, ac in alia = Etsi Mendicantium = hanc ipsam exemptionem, eisdemque, ac alias quascumque per Prædecessores nostros desuper editas Constitutiones, & declarationes expressè confirmamus, & innovamus. Cum enim memoratus Ordo varios Magistros, & Doctores præfret; ac alere, & sustentare teneatur, ex quorum Doctrina Fratres Novitii, eruditi postmodum effecti gregem Dominicum suis consiliis, confessionibus, orationibus, aliisque innumeris pietatis operibus juvent, & pascant, ejusdemque Ordinis Domus non minus, immo magis, quam ea, que per Ordinarios erecta sunt, Seminaria vocari possunt, æquisimam videntur, Conventus dicti Ordinis nullo modo præterea taxari posse pro Seminariis ab Ordinariis erectis, vel erigendis, prout hac nostra perpetuo valitura Constitutione declaramus, decernimus, & mandamus, etiam Concilii Romani Decretis, & quibuscumque aliis in contrarium quomodo libet facientibus quam plenissime derogantes.

Declaratur eadem Ordinem etiam a Taxa Seminarii exemptum esse.

§.44. Per nostram Constitutionem = Romanus Pontifex, ac etiam decreta novissimi Romani Concilii, injunximus, Parochis solvendam esse Quartam Funeralem, in Italia nimirum, & Insulis adjacentibus ab omnibus, & quibuscumque Regularibus quocumque privilegio sustulis, & Regularibus Ordinis S. Dominici utriusque sexus in eisdem Italia, & adjacentibus Insulis reverenter pro consuetâ ipsorum erga Apostolicam Sedem obedientia dispositioni nostræ, ut debent, obsequantur, prout etiam volumus, & mandamus in posterum servari, ita quidem, ut Regulares prædicti ei tantummodo, ad cujus Parochiam spectabit Defunctus, realiter, cum effectu, & sine ulla prorsus controversia tradere teneantur unam ex quatuor partibus (quam proprio nomine Quartam appellavimus) omnium Interciorum, & Candelarum, quibus Defuncti cadaver in itinere ad eorum Ecclesiam tumulandum associabitur, necnon omnium Interciorum, & Candelarum, que in eadem Ecclesia circa Cadaver, seu Feretrum, ac etiam in Altaribus in die funeris accendantur, retentis tamen sibi Candelis manualiter per viam delatis, una cum omnibus Intercitiis, Candelis, aliisque, de quibus in ea Constitutione mentio expressa facta non fuit; que Regularibus prorsus illata, & inviolata perpetuo manere volumus, decrevimus, ac mandavimus. Ubi vero adsint consuetudines legitime probate, Conventions, Concordiæ, vel Statuta, que Parocho portionem quarta prædicta pinguiorem assignent, hanc eandem, prout ante Nostram prædictam Constitutionem, ac etiam Concilium Romanum, dare pergant, & teneantur. Quum vero mentis, & intentionis nostræ in ea edenda Constitutione fuerit consulere quidem.

Quædam alia declaratio super Quartâ funerali a Regularibus solvenda Parochis.

Parochorum indemnitati, ad hoc nimirum, ut ii qui nihil, vel quarta minus percipiebant eandem quartam consequi possent, non autem, ut qui majus emolumentum, seu plus quarta predicta ex consuetudine, Conventione, Concordia, vel Statuto reportabant, aliquid aliud præterea vigore dictæ nostræ Constitutionis, aut etiam Concilii Romani sibi arrogare possent, volumus propterea, ut iidem Parochi, vel præcisè perciperent statutam a Nobis quartam partem, vel tantummodo starent Consuetudini, Conventioni, Concordiæ, sive Statuto, ut prædictum est; Ne autem super hujusmodi clara ceteroquin intelligentia Nostra Constitutionis, & Concilii Romani, ullo unquam tempore excitari valeat aliqua difficultas, expressè ita declaramus dictam nostram Constitutionem, & Decreta Concilii Romani, simulque motu, scientia, & potestate prædictis volumus, præcipimus, & mandamus, ut iidem Fratres Parochi relinquunt optionem, vel eligendi Quartam Partem prædictam, vel standi Consuetudini, Statuto, Concordiæ, seu Conventioni, eamque pacificè sequantur, ut suæ ipsorum quieti religiose juxta eandem mentem nostram consulant; Parochi vero semel factam optionem immutare nullatenus possint, aut valeant.

Confirmantur, ac declarantur privilegia eidem Ordini concessa de Lais tumulandis.

§.45. Ea itidem Privilegia Fratris Ordinis Prædicatorum Indulta per Sacros Canones, & Apostolicas Constitutiones, ut possint Cadavera Laicorum, & extraneorum quorumcumque in suis Ecclesiis libere tumulare, uberrime confirmamus, & innovamus: utque, quantum in Domino possumus, occurramus continuis molestiis, quas, propter aliquorum sinistras interpretationes, pati coguntur Fratres prædicti cum maximo Christifidelium scandalo, & pietatis simulque Divini Cultus detrimento, perpetuo volumus, & sancimus, in primis Fratrum prædicatorum omnium, eisque inservientium, necnon quarumcumque personarum Tertii Ordinis, etiam extra Claustra, Domos, Hospitia, & Afceteria obeuntium, Laicorum quoque extraneorum per accidens degentium, & decedentium in Conventibus, Hospitiis, Domibus, & Afceteriis prædictis, Cadavera tumulanda esse in dictis Ecclesiis Ordinis, Diocesani Loci, aut alterius cujuscumque licentia minime desuper requisita. Liberam prorsus præterea fore cuique Fidelium, sive pro seipso, sive pro suis filiis, & filiabus, nepotibus, & neptibus in puerili vel infantili atate decedentibus electionem Sepulture in Ecclesiis, & Cœmeteriis præfati Ordinis. De hac vero electione satis constare ubi in Ecclesia Ordinis gentilitium obeuntis, nulla in contrarium facta dispositione, sepulcrum præexistat; rursus ex Testamento, Codicillis, vel alia morientis simpliciter etiam scriptura, item ex dicto aut Confessoris, aut duorum testium, etiam extrajudicialiter deponentium de illius voluntate. Quod si Parochus velit illos judicialiter repetere, suis sumptibus id facere teneatur. Caveantque Parochi, ne quod directe nequeunt, indirecte nitantur huic libertati præjudicium, & noxam inferre, sub prætextu ad ipsos pertinere numerum determinare Fratrum associare debentium, atque illum limitare ad metam Clericorum secularium: aliove deteriori, Parochianos, nimirum, eligentes alibi quam in Eccle-

sia Parochiali Sepulturam, teneri ad elemosynam majorem, gravioraque emolumenta favore Parochi, etiam sub emendicato titulo coarctivæ celebrationis Missarum, & Aniversariorum, vel sub obtentu cadaveris in Cathedrali, vel Parochiali Ecclesiis, prius exponendi, & respectivè ratione transitus per limites aliarum Parochiarum, persolvenda esse similia emolumenta. Has enim abusus ad inventiones eradicare intendimus, & exterminare, prout abolemus, & improbamus, Statutis, Conventionibus, & Consuetudinibus etiam immemorabilibus in contrarium vigentibus minime attentis, quibus expressè derogamus. Volentes, numerum Fratrum associare debentium fore libere determinandum per hæredes defuncti nullo habito respectu ad numerum Clericorum secularium. Per Cathedrales vero Ecclesias, Parochiales, seu per Parochos Defunctorum, aut per quorum Parochias transeunt cadavera, nullatenus cogi posse Fratres Ordinis, seu Defunctorum hæredes ad exponendum Cadavera, vel aliquid aliud solvendum ex causa transitus; ita ut in posterum soli Parochi morientium, iisque emolumentis dumtaxat potiantur, & gaudeant, quibus de jure potiantur, & gaudent, firma omnimode manente, ac plenissime morientibus observata, sibi eligendi sepulturam, libertate. Parochi admunito, requisito, & intimato per Fratres, ac deum renuente accedere ad associandum Cadaver in Ecclesiam Fratrum prædicatorum, vel eodem ultra statutam pro delatione Cadaveris horam per discretum tempus, quod nunquam unam horam excedere possit, expectato, nec accedente, Fratres prædictos Cadaver illud, invito etiam ipso Parochi, levare, & ad eandem Ecclesiam tumulandum, ne Dei servitium minuatur, & ipsi contemnantur, recto quidem tramite, & via per eos eligenda deferre posse, ac debere volumus, atque sancimus. Et ad tollendum deinceps, quantum in Domino possumus, Fidelium scandalum, nimis frequentium controversiarum originem, hac perpetuo valitura lege decernimus, licere Cathedralis Capitulo, Parochi, Fratris Ordinis Prædicatorum, ac cæteris etiam Regularium Communitatibus ad Processiones Funebres per quasvis Parochias, singulorum propriis erectis Crucibus, accedere, easque etiam sic peragere, quemadmodum in aliis solemnioribus Processionibus contingit, & ita etiam in Ecclesiam tumulantem ipsorum Fratrum, ordine, quo in via incedebant, ingredi, atque facta adoratione ad Altare, in quo aservatur Sanctissimum Sacramentum, aut etiam exequiis persolutis recedere: Parochi quoque in eandem Ecclesiam tumulante cum Stola intrare; ac respectivè Fratris associare debentibus Defuncti cadaver cum Parochi, ne interim contingat illos in vicis, & plateis superfedere, in Parochialem Ecclesiam etiam cum Cruce erecta ingredi licitum fore, auctoritate Apostolica, Motu, & scientia prædictis, mandamus, & volumus. Non obstantibus, quod prædicta omnia, & singula consuetudinibus etiam immemorabilibus, quibus omnibus expressè, ac plenissime derogamus; Declarantes, & quatenus opus sit, decernentes, ac matura deliberatione mandantes, Crucis erectiones, Stolarum delationem, & ingressus in Ecclesias in omnibus, & singulis enumeratis, ac cæteris quibus-

Eximenter prædicti Fratres etiam Canonici, quam dicuntur, portione.

Innovantur paciter Con-

eumque similibus casibus, nullam penitus Jurisdictionem importare, aut minimum in aliquo præjudicium cuiuscumque irrogare, aut quando-cumque, & quomodocumque irrogare, & inferre posse. Postremo prohibemus, posse per Parochos invitit Fratris in istorum Ecclesiis, aut Cœmeteriis Cadavera sepeliri, & respectivè Missas celebrari, ac Exequias quascumque persolvi. Ubi vero accedit pacifica consuetudo, seu legitima conventio, aut expressa Fratrum voluntas, permittimus, quod Parochus cum Clericis secularibus in Ecclesiis Ordinis Exequias peragat, absque ullo tamen præjudicio Fratrum, quorum omnimoda de cetero jurisdictione in propriis Ecclesiis salva, & illata remaneant, eique nullum imaginabile præjudicium per hujusmodi particulares, & Fratrum voluntarios actus irrogatum ullo tempore censeatur.

§.46. Uterius circa exemptionem a Canonica Portione, sive a Decimis quibuscumque Ecclesiasticis, sive Canonicis, Parochialibus, Episcopalibus, ac etiam Papalibus, tam Personalibus, quam Realibus, non solum de Novalibus, Hortis, animalium Nutrimetis, Virgultis, Bonisque propria manu excoltis, sed etiam quoad omnia omnino bona, quomodocumque, & quomodocumque acquirenda, etiam per alienas manus excolenda, immo etiam quoad ipsos Colonos, Arrendatarios, & similes quoscumque, qui Fratrum prædicatorum, ac Sororum, indigentis de prædictis eorum bonis hac vita subvenire teneantur, expressè, ac specificè confirmamus Privilegia ipsi sive directe cum necessariis, & opportunis derogationibus, & respectivè etiam Conc. Lateran. seu cap. Nuper de Decim., ut in Constitutionibus Honorii III. = Religiosam Vitam = 11. Kal. Januarii 1216., Innocentii IV. = Qui Dum tota = 3. Nonis Februarii 1244., Alexandri IV. = De pia, & sancta = 15. Kal. Februarii 1257., Bonifacii VIII. = Laudabilis = 15. Kal. Augusti 1297., Benedicti XI. = Sacra vltra Religio = 3. Kalend. Martii 1304., Gregorii XI. = Virtute conspicuus = 2. Non. Martii 1374., Bonifacii IX. = Esti pro curia = 5. Kal. Maji 1401., Martini V. = Ad Summi = Kal. Maji 1420., Eugenii IV. = Ad statum = 3. Idus Aprilis 1440., Nicolai V. = Licet ex debito = Prid. Non. Decembris 1448., & = Licet ea = 8. Idus Augusti 1451., Sixti IV. = In Mvi Migno Prædicatorum = & Sancti Pii V. = Esti Mendicantium = & = Ab hoc No Deus = & Injunctum nobis = Pauli V. = Ex Apostolica Sedis = Clemens VIII. = Injuncti = & = Expedit = 25. Martii 1592., & = Pastoralis Officii = Julii 1595., & Urbani itidem VIII. = In plenitudine = Sive indirecte, & virtualiter ipsis desu per concessa, nimirum, per amplissimas communicationes Privilegorum, & præcipue indultorum Carthusianis, Cisterciensibus, & Societati Jesu, quemadmodum liquet ex præcitis Constitutionibus. Ne tamen ullo unquam tempore de hujusmodi plenaria exemptione dubitari queat, præterea Motu proprio, & auctoritatis plenitudine, contrariis quibuscumque non obstantibus, Ordini Prædicatorum utriusque sexus, & ab eo dependentibus, eorumque prædictis bonis quibuscumque dictam exemptionem ex integro, & denuo cum expressa, & individuali derogatione dicti cap. Nuper de Decim., amplissime concedimus, & clarimus.

§.47. Itidem quoad privilegia Mendicantium

Ordini Prædicatorum concessa, prævia derogatione Constitutioni a Gregorio XIII. = In tanta edita prima Martii 1573., innovamus Constitutiones S. Pii V. = Esti Mendicantium = & = Ab hoc Nos Deus = & quatenus opus sit in his contenta de novo disponimus, & respectivè concedimus, atque perpetuo observanda esse decernimus, & mandamus, dummodo Decretis Concilii Tridentini, & dispositis in hac nostra peculiari Constitutione non sint contraria, ut etiam demandant Clemens VIII. in Constitutione = Injuncti = 5. Octobris 1604., & Urbanus VIII. in Constitutione = In plenitudine = 31. Maji 1625. Declarantes, quod hæc restrictio contenta etiam in mox dictis Literis Clementis, & Urbani haud tollit decreta Concilii Tridentini juxta interpretationem ipsi attributam in præcitis Literis S. Pii V.

stine. Apost. quoad privilegia Mendicantium præfati Ordini concessa.

§.48. Inherentes præterea vestigiis Prædecessorum Nostrorum, qui Privilegia, Indulta omnia, & singula, gratias, exemptiones, Immunitates, & Communicationem intraneam, sive ampliationem, aut extensionem intra ipsum Ordinem Prædicatorum adeo, ut concessa, vel concedenda uni Fratri, Sorori, Domui, Conventui, Collegio, Ecclesie, Monasterio, & aliis, etiam si concessa non intelligerentur sub generali communicatione, aliis Fratris, Sororibus, Domibus, Conventibus, Collegiis, Ecclesiis, Monasteriis, cæterisque pariformiter comprehensa, & concessa perpetuo sint, & intelligantur, Communicationem quoque infra declarandam uberius cum aliis quibuscumque Ordinibus, Congregationibus, & Confraternitatibus, libertates, prerogativas, Indulgentias, peccatorum remissiones, & similia quæcumque, & quocumque nomine nuncupanda, a Prædecessoribus Nostris Ordinis prædicti, Domibus, Collegiis, Conventibus, Monasteriis, Provinciis, Fratris, ac Monialibus, necnon utriusque sexus Tertiariis, concessa, amplissime, & validissime confirmantur, innovantur, de novo concesserunt, eisque perpetuum Apostolicæ firmitatis robur addiderunt, etiam Motu proprio, scientia, & potestate prædictis, derogando insuper quibuscumque consuetudinibus, ac Constitutionibus Apostolicis, etiam in Universalibus, Provincialibus, & Synodalibus Conciliis editis, & Ordinationibus contrariis, ac cum Decreto irritante, suppleto quovis defectus juris, & Facti, & solemnitate forsan, ommissarum, ut in Apostolicis Constitutionibus, & signanter Alexandri V., Martini etiam V., Eugenii IV. in Bullis incipient. = Sacra Religio = 5. Kal. Aprilis 1439., ubi Privilegium dicto Ordini Prædicatorum indultum per plures Prædecessores post Innocentium IV., quod nulla Littere Apostolicæ sub quibusvis formis, & verborum expressionibus, & cum quibuslibet derogatoriis Privilegorum, etiam Mendicantium, quomodocumque emanande possent eidem Ordini præjudicare, nisi de Ordine ipso, ac de Magistro Ordinis, & Privilegiis ipsi concessis signanter, & notanter, specialiter, & expressè, necnon de verbo ad verbum mentio facta fuerit, validissime confirmatur, quod, & alii postmodum Romani Pontifices decrevere; insuper Nicolai V., Sixti IV. = In Mvi magno = ac in = Bulla aurea = Julii II. = Alias ad supplicationem = Junii 1509., Leonis X. duabus Literis similiter incipient = Quam inter ca-

Communicantur amplissime eidem Ordini Privilegia omnia, quæcumque, ac Indulgentiæ quibuscumque, que alius Ordinis concessa.

teros = 22. Novembris 1513., & 21. Junii 1518., & in aliis = *Datum per Nos accepto* = 10. Decembris 1519., Julii III. = *In Sacra Beati Petri* = 10. Julii 1551., Pauli IV. = *Ex Apostolica Sede* = 9. Martii 1555., ac deinde S. Pii V., Clementis VIII., & Urbani VIII. in prædictis Constitutionibus = *Etj. Mendicantium* = *Injuncti* = *In plenitudine* = easque quidem omnes, & singulas Constitutione, ac supplendo quoscumque defectus Juris, & facti, & solemnitate forsitan omittarum, confirmantes, ac innovantes, & quatenus opus sit omnia, & singula in eisdem, ac ceteris quibuscumque pro Ordine Prædicatorum, ejusque generali Magistro, Procuratore generali, Superioribus, Fratibus, Monialibus, Tertii quoque Ordinis Personis quibuscumque per Sedem prædictam, ac etiam per S. R. E. Cardinalium Congregationis, Cardinales Legatos, & quosvis Sedis prædictæ Nuntios, & Ministros, & per alios quoscumque, & quacumque potestate pollentes, aut alias quomodolibet, & sub quibuscumque verborum expressio- nibus, & tenoribus in genere, vel in specie, & particulariter tam per modum communicatio- nis, & ampliationis, quam simplicis, & indi- vidue, particularis, ac specialis concessionis cujuscumque, & quomodocumque etiam Motu proprio, aut aliter factæ, emanatis concessionibus contenta, ac etiam consuetudine legitime præscripta, aut acquisita, largientes, ac con- cedentes, dummodo tamen prædictis in hac no- stra Constitutione non sint expresse contraria, Motu, scientia, ac potestate similibus confir- mamus quoque, innovamus, ac si opus sit de novo concedimus Magistro Ordinis, Capitulis Ge- neralibus, Definitoribus eorum, cunctisque Fratibus, sive Clericis, sive Laicis, etiam Oblatis, Monialibus quibuscumque, ac Tertii Ordinis utriusque sexus personis, eorumque Ecclesiis, Conventibus, Monasteriis, ac Do- mibus, ministris, famulis, cunctisque tam Conservatoribus, & Officialibus, quam do- nestis, necnon quibusvis aliis personis, ac Chri- stianis illorum Ecclesiis, seu Capellis, Oratoria quoque visitantibus, necnon Confrat- ribus, & Confratribus tam supradictarum, quam aliarum quarumcumque Confraternita- tum in Ecclesiis, aut Oratoriis eorandem Fra- trum legitime erectarum, & institutarum, vel quomodocumque erigendarum, ac instituenda- rum, illisque tam nunc existentibus, quam pro tempore extituris: omnibus pariter, & singulis libertatibus, Immunitatibus, exemptionibus, privilegiis, præminentis, antelationibus, con- cessionibus, Indultis, favoribus, Indulgentiis, aliisque prerogativis, & gratiis universis, & sin- gulis, tam spiritualibus, quam temporalibus, singulis Domibus, Conventibus, Collegiis, Monasteriis, & aliis regularibus locis, & per- sonis, tam Canonicorum, quam Clericorum regularium ubivis existentium institutis, & non solum Ordinibus Monasticis, Regularibus alio- rum Mendicantium, & non Mendicantium, tam pro redimendis Captivis, quam aliis quo- modolibet, Ordini Sanctissime Trinitatis Red- emptionis Captivorum, illisque Domibus, Conventibus, & Fratibus, necnon Ordini, ac etiam Congregationi Fratrum Discalceatorum ejusdem Ordinis B. M. de Mercede Redemptionis Captivorum, ac etiam omnibus, & quibus-

cumque Congregationibus Regularium, & præci- pue Clericorum Regularium, etiam Mendicanti- bus in omnibus, & per omnia quoque subsistere absque ulla prorsus differentia, ut prædictum est, pariformiter declaramus, & facimus, vo- lumus, uti, frui, potiri, & gaudere libere, & licite possint, & valeant.

§.49. Ac demum, ut Ordo ipse Fratrum Prædicatorum, illiusque Magister Generalis, Provinciales, Priores, alique Superiores, Fra- tres, Famuli, & Personæ quæcumque ab Ordine ipso, ut præfertur, quomodolibet dependen- tes, nunc & pro tempore existentes, omnium, & singulorum a Nobis, ut præfertur, appro- batorum, confirmatorum, extensorum, inno- vatorum, & de novo etiam concessorum pacifica in possessione, seu quasi a data præsentium, constituantur, constitutique sint, & esse censentur, omnes, & quascumque lites, & causas, si que sint, quarum omnium, & singularum, respective status, & merita eisdem præsentibus haberi volumus pro expressis super præmissis, seu illorum aliquo inter Fratres prædictos ex una & quoscumque alios ex altera partibus, in quo- cumque judicio coram quocumque Judice quavis etiam Apostolica sibi delegata auctoritate fun- gente, & in quacumque instantia quomodolibet nunc pendentes, ad Nos avocantes Apostolica auctoritate, Motu, ac potestatis plenitudine, prædictis penitus extinguimus, & extinctas esse volumus, omnimodumque silentium perpetuo imponimus.

§.50. Decernentes omnia, & singula præ- missa a Nobis, ut præfertur, confirmata, ap- probata, innovata, extensa, de novo conce- ssa, & indulta, easdemque præsentis semper, & perpetuo, tanquam Divini Cultus, & honorum operum augmentum, Religionisque propaga- tionem respicientia, valida, & efficacia, ac va- lidas, & efficaces esse, & fore, suosque plena- rios, & integros effectus perpetuo foris, & ob- tinere, & ab omnibus firmiter, atque inviola- biliter, nec ab illis ullo unquam tempore quo- vis prætextu, occasione, vel causa resisti, aut decedi, neque de nulliatis obreptionis, subre- ptionis vitio, & intentionis nostre defectu notari, impugnari, vel retractari, nec adversus illas quodcumque juris, vel facti remedium, nec etiam oris aperiitionem impetrari unquam posse, neque sub quibusvis finium, vel dissimulium, gratiarum, privilegiorum, indultorum revoca- tionibus, limitationibus, suspensionibus, dero- gationibus, & aliis contrariis dispositionibus, etiam per Nos, & Successores Nostros Roma- nos Pontifices pro tempore existentes, Sedem- que prædictam, sub quibusvis tenoribus, & for- mis, ac sub quibusvis clausulis, & decretis, etiam derogatoriis derogatoriis minime con- fundi, vel comprehendi posse, nisi de toto ea- rumdem præsentium tenore, & data expressa mentione, nihil penitus omisso, habita, & revo- catio, derogatio, suspensio, limitatio, restri- ctio, & alia quæcumque contraria dispositio Ma- gistro, & Procuratore generalibus pro tempore dicti Ordinis expresse, distinctim, ac nomina- tim intimatis, usque per trinas distinctas literas Apostolicas tribus diversis vicibus cum temporis competentis intervallo ad id specialiter vocatis factæ fuerint, & si aliter derogari, revocari, suspendi, limitari, & restringi contingat, hu- jusmo-

Abolentur li- tes omnes or- te, vel que oriri possent super appro- batis, exten- sis, vel de no- vo concessis prædictis.

Clausule præ- culari.

Committitur quibuscumque in Ecclesiasti- dignitate ex- stitit prædic- tione.

Derogatoriz.

jusmodi derogationem, revocationem, suspen- sionem, limitationem, & restrictionem, nul- lius esse roboris, & momenti, & quoties illa emanabunt toties in eorum pristinum, & validis- simum statum sub quacumque etiam posteriori data per Magistrum Generalem, & Fratres pro tempore existentes prædictos eligenda restitutas, repositas, & plenarie reintegratas, & de novo etiam concessas esse, & fore, ac vim validi, & efficacis contractus, etiam cum juramento inter Nos, & Sedem prædictam, ac Magistrum Ge- neralem, & Fratres prædictos inhi habere. Sic- que, & non alias, per quoscumque Judices Or- dinarios, vel Delegatos, etiam Causarum Pa- latii Apostolici Auditores, ac etiam S. R. E. Car- dinales, etiam de latere Legatos, Vicelegatos, dictæque Sedis Nuncios, sublata eis, & eorum cuilibet quavis aliter iudicandi, interpretandi, & definiendi facultate, & auctoritate, in qua- vis causa, vel instantia iudicari, sententari, & definiiri debere, necnon quidquid fecus super his a quocumque quavis auctoritate scienter, vel igno- ranter contigerit attentari, irritum, & inane decernimus, & declaramus. Quoniam vero quousque Divinæ Providentiæ placuerit Nos in humanis tolerare, nolumus plane protectionem Nobis Dilectissimi Ordinis alicui cedere, man- damus subinde futuris pro tempore Protectori- bus Sanctæ Romanæ Ecclesiæ Cardinalibus, eni- neque in Domino hortamur, ut pro plena nostre hujus Constitutionis executione apud Pontifices totis viribus, zelanterque advigilent, atque pro- curent.

§.51. Executionem vero contentorum in- præsentibus Nostri Literis committimus, & mandamus universis, & singulis Venerabilibus Fratribus Apostolicæ hujus Sedis Legatis, Nun- tiis, & Internuntiis pro tempore existentibus, necnon Patriarchis, Archiepiscopis, Episcopis, ac Dilectis Filiis Causarum Curie Camera Apo- stolice Generali Auditori, Abbatibus, Priori- bus, & aliis quibuscumque Personis in dignitate Ecclesiastica constitutis, quatenus ipsi, vel duo, aut unus eorum per se, vel alium, seu alios ead- dem præsentibus, & in eis contenta quæcumque ubi, & quando opus fuerit, ac quoties super hoc pro parte Magistrum Generalis, & Fratrum, nunc, & pro tempore existentium, aut alicujus eorum requisiti fuerint, solemniter publicantes, eisque, & eorum cuilibet in præmissis efficacis defensionis præsidio adstantes, faciant auctori- tate nostra firmiter observari, eosque, & quem- libet eorum illis pacifice frui, & gaudere, non permittentes eos, aut eorum quempiam per quoscumque contra earumdem præsentium teno- rem desuper quomodolibet indebite molestari, Contradiçtores quoslibet, & rebelles per cen- suras, & penas Ecclesiasticas, ac alia opportuna juris remedia, appellatione postposita, compe- scendo, ac legitimis super his habendis servatis processibus, censuras, & penas ipsas etiam ite- ratim vicibus aggravando, invocato etiam ad hoc, si opus fuerit, auxilio brachii secularis.

§.52. Non obstantibus priori voluntate no- stra, ac nostris, & Cancellariæ Apostolicæ re- gulis de non tollendo jure quaesito, ac pix me- moriæ Bonifacii Papæ VIII. pariter Prædecessoris Nostri, qua cavetur, ne quis extra suam Civi- tatem, vel Diocesim, nisi in certis exceptis ca- sibus, & in illis ultra unam diætam a fine fuæ

Diocesis ad iudicium evocetur, seu ne Judices a Sede Apostolica deputati contra quoscumque procedere, seu alii, vel aliis vices suas commit- tere præsumant, ac in Concilio generali edita de duabus diætis, dummodo ultra tres diætias ali- quis auctoritate præsentium ad iudicium non tra- hatur, & quibusvis universalibus, Provinciali- bus, & Synodalibus Conciliis, vel aliis Apo- stolicis specialibus, vel generalibus Constitutio- nibus, & Ordinationibus, necnon prædicti, alio- rumque Ordinum Regularium quorumcumque etiam juramento, confirmatione Apostolica, vel quavis firmitate alia roboratis Statutis, & Conventionibus, ac etiam immemorabilibus consuetudinibus; privilegiis quoque, Indultis, & literis Apostolicis, quibusvis personis, & lo- cis in genere, vel in specie sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, ac etiam consistorialiter, ac alias quomodolibet etiam ad Imperatoris, Regum, Reginarum, & aliorum quorumcumque Principum instantiam iteratis vicibus concessis, approbatis, & innovatis, quibus omnibus, & singulis, etiam si pro illorum sufficienti dero- gatione, alias de illis, eorumque totis tenoribus, specialis, specifica, individua, & expressa, ac de verbo ad verbum, non autem per clausulas generales idem importantes, mentio, seu qua- vis alia expressio habenda, aut aliqua alia ex- quisita forma ad hoc servanda foret, tenores hu- jusmodi, ac si de verbo ad verbum, nihil peni- tus omisso, & forma in illis tradita observata, inserti forent, præsentibus pro sufficienter ex- pressis habentes, illis alias in suo robore perman- suris, latissime, & plenissime, ac specialiter, & expresse harum ferie hac vice dumtaxat Motu, scientia, & potestatis plenitudine paribus, de- rogamus; Aut si aliquibus communitatibus, aut di- visum ab eadem sit Sede indultum, quod inter- dici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de Indulto hujusmodi mentionem.

§.53. Volumus autem, quod ipsarum præ- sentium transumptis, etiam impressis, alicujus in Dignitate Ecclesiastica constitutæ personæ sigillo, & Notarii manu ob signatis, vel etiam, saltem extra Italiam, sigillo, & subscriptione Magistrum Ordinis, aut Provincialium pro tempo- re ejusdem Ordinis munitis, eadem prorsus fides in iudicio, & extra illud adhibeatur, quæ adhi- beretur præsentibus si forent exhibita, vel ostensa.

§.54. Nulli ergo omnino hominum liceat hanc paginam nostre absolutionis, approbatio- nis, confirmationis, extensionis, innovatio- nis, concellionis, extinctionis, impositionis, Indulti, decreti, declarationis, commisionis, mandati, & derogationis infringere, vel ei ausu temerario contraire, si quis autem hoc attenta- re præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Setiæ Anno Incarnationis Domini- cæ Millefimo septingentesimo vicesimo septimo septimo Kalendas Junii Pontificatus Nostri Anno Tertio.

Fides habenda transumptis.

Sanctio pæ- nalis.